

**ԱԶԱՏ, ԱՆԿԱՆ ԵՎ ՄԻԱՑՅԱԼ ՀԱՅԱՍՏԱՆ
(ԱԶԳԱՅԻՆ ՔԱՂԱՔԱԿԱՆՈՒԹՅԱՆ ԽՆԴԻՐՆԵՐ)՝**

ԱՐՏԱՇԵՍ ԱՐԵՂՅԱՆ

7

Հայաստանի և հայ ժողովրդի համար բուլղարիկյան դիկտատուրան առավել ևս սոսհանդուրժելի է այն տեսակետից, որ նա ծնունդ չէ մեր իրականության, այլ ներածովի վարչակարգ է:

Այսպես կամ այնպես, նա բուն Ռուսաստանում հետևանք է ներքին պայքարների, քաղաքացիական կռիվների: Հաղթական բուլղարիզմը հաստատեց այնտեղ իր դիկտատուրան: Որչափ և ժանր է այդ լուծը, բայց ուս ժողովուրդը ստիպված է տանել նաև այն պատճառով, որ նա բավականաչափ կորով հանդես չբերավ՝ անկարելի դարձնելու այն: Պարտվեց բռնատեր փոքրամասնության առաջ և հարկադրված եղավ ենթարկվել նրա թելադրած կարգերին:

Բուլղարիկյան ռեժիմը Հայաստան մտցվեց դրսից, Կարմիր բանակի ձեռքով, այնպես, ինչպես որ հարյուր տարի առաջ ցարական ռեժիմ էր այնտեղ ներմուծվել ճերմակ բանակի ձեռքով: Սակայն Կարմիր թե ճերմակ ուս, նա չէ դադարում մեզ համար օտառ լինելուց: Եվ եթե մի տարբերություն կանրանց մեջ, այդ էլ այն է, որ մինչ հարյուր տարի առաջ ուս բանակը Այրա-տառյան Հայաստանը գրավելով փոխարինեց դարձյալ մի օտառ, պարսից բանակին, և որը, վերջինիս բաղդատությամբ, ամեն տեսակետից փրադասելի էր հայության համար և այդ պատճառով էլ ժամանակակից սերունդի կողմից (հիշեցեք Վերք Հայաստանին)՝ մինչև իսկ ազատարար հռչակվեց, ուս Կարմիր բանակը, ընդհակառակը, Հայաստան մտնելով 1920-ին՝ բռնի ուժով վերադրեց հարազատ, ազգային իշխանությունը, տապալեց երկրի քաղաքական ինքնուրույնությունը, այն փոխարինելով օտառ իշխանությամբ ու կարգերով:

Վերջապես այսօր էլ լրջորեն չեն կարող պնդել բուլղարիկները, թե Խորհ. ռեժիմը Հայաստանում՝ իսկապես որ արդյունք էր «բանվորագյուղացիական» սոցիալիզմի հեղափոխության:

Բուլղարիկյան ռեժիմը հանդուրժելի չէ Հայաստանի և հայ ժողովրդի համար ոչ միայն այն տեսակետից, որ նա կապտել է մեր ժողովրդի քաղաքական և քաղաքացիական ազատությունը, կաշկանդել նրա տնտեսական վերելքը, այլև այն տեսակետից, որ նա, անազատ վիճակ ստեղծելով մեր երկրում, անդամալուծել, անկարելի է դարձրել մեր երկրի ու ժողովրդի համար ոչ պակաս կարևորություն ունեցող ազգայնավաճման հրամայական պահանջը, որի սկիզբը դրված էր, լայն շափերով, ազգային-հանրապետական կառավարության օրով:

Կարճ, եթե դիկտատուրայի տապալումը և դեմոկրատական-ազատ կարգերի վերականգնումը կենսական անհրաժեշտություն է ուս և Ռուսաստանի բոլոր ժողովուրդների համար, նա կրկնակի պահանջ է հայ ժողովրդի համար: Ազատության պայքարը ավելի քան որևէ ուրիշ տեղ՝ Հայաստանում կարող է գտնել իր սկզբունքային արդարացումը:

* Սկիզբը տե՛ս 22 ԳԱ «Լրաբեր» հաս. դիա., 1991, № 1, էջ 139—149.

Ահա թե ինչու՝ այնչափ ժողովրդականություն ունեցավ փետրվարյան ապստամբությունը Հայաստանում, որ միահամուռ բռնկումով վերջ տվավ, թեև կարճ ժամանակով, տիրող դիկտատուրային, վատթարագույն ձևի տակ։ Իսկապես սխալ էլ է՝ փետրվարյան պատմական անցքերը «ապստամբություն» որակելը, ինչ որ սովորաբար արվում է մեզնում, քանի որ նրանք, այդ դեպքերը, ըստ ամենայնի ի հայտ են բերել լուրջ հեղափոխություններին հատուկ հիմնական գծերը։ Ավելի ճշմարիտ է խոսել ուրեմն ոչ թե փետրվարյան ապստամբության, այլ փետրվարյան հեղափոխության մասին։

Եվ սակայն եթե հեղափոխության, ազատ ապրելու պահանջը անկապ տելի իրավունքն է ամեն մի ժողովրդի, այդ դեռ չէ նշանակում թե նաև նրա պարտականությունն է՝ կիրարկել այն բոլոր պայմաններում։ Նա մի երկսայրի սուր է, որ հեշտությամբ կարող է իր իսկ՝ կրողի դեմ դառնալ և նրան վնասել, փոխանակ շահ բերելու նրա գործին։ Ուրիշ խոսքով՝ ամեն մի հեղափոխական քայլ կարող է արկածախնդրականի վերածվել, եթե չէ հաստատեցած նա ըստ ամենայնի, եթե չէ ապահովված նրա հաղթանակը։

Խորհրդային դիկտատուրան տապալելը և նրան դեմոկրատականով փոխարինելը ո՛չ սոսկ Հայաստանի և հայ ժողովրդի գործն է, ոչ էլ նրա ուժերի համապատասխան մի ձեռնարկ։ Դա նախ և առաջ ոռոս մեծ ժողովրդի գործն է, որ և խրականություն դառնալ կարող է միայն այն ժամանակ, երբ համառուսական շափանիքով հասունացած լինի նա և ապահովված նրա հաղթանակը—հեղափոխությամբ թե բարեշրջությամբ, դա տարբեր խնդիր է։

Անկարելի է կարծել, թե հնարավոր է առհասարակ, որ Հայաստանում կամ Կովկասում ազատ, դեմոկրատական կարգեր իշխեն, մինչ անդին Ռուսաստանում շարունակի փթթել դիկտատուրան։

Եվ վերապես հայ ժողովրդը և ոչ իսկ մեկ կաթիլ արյուն տրամադրել կարող է մի դատի համար, որչափ և արդար ըինի նա ու նաև իրենը, եթե միայն՝ զենքի պայքարը չէ բռնադատված նրան սիրող իշխանության կողմից, ինչ որ եղավ 1920 փետրվարին, և եթե դրանից դուրս ուրիշ ելք չէ մնում։ Ու պատմության առաջ միայն և միայն այդ տեսակետից հիմնավորվի ու արդարանալ կարող է ամեն մի հեղափոխություն առհասարակ, դրանց թվում ուրեմն նաև հայկականը և մասնավորապես փետրվարյանը։

Ահա թե ինչու Ռուսաստանի ժողովուրդների համար ընդհանրապես և մեղ համար մասնավորապես— կան նաև ուրիշ պատճառներ—անբաղդատելիորեն ցանկալի, գերադասելի է, որ բաբեշրջման հաճախեցով տեղի ունենա խորհ. Միության մեջ փոխանցումը—որչափ և երկարաձգվի նա-դիկտատուրայից դեպի դեմոկրատիա։

Ահա թե ինչու Ն. Ն. Դաշնակցությունն էլ ստեղծված պայմաններում, մնալով հանդերձ պայքարողի դերում գաղափարական գետնի վրա ընդդեմ բոլշևիզմի, ժխտում է հեղափոխական գործն կռիվ կարգախոսը՝ տիրող ռեժիմի դեմ։

Եվ որովհետև ազատության վերստացումը ոչ միայն հայ, այլև ոռոս և Ռուսաստանի բոլոր ժողովուրդների ազատատենչ, դեմոկրատական տարրերի նպատակահետն է, և որովհետև նրանք այդ և մի շարք ուրիշ փնդիրներում օրգանապես կապված են իրար հետ, ապա ուրեմն միանգամայն հասկանալի է, որ այդ տարրերը համաձայնության պիտի գան իրար հետ, իրենց անխտիր ամենի էլ կապված ազատությունը ձեռք բերելու խնդրում։ Եվ այսպես, Միացյալ Հայաստանին պիտի նախորդե Ազատ Հայաստանը։

Անառատ ժողովուրդը ընդունակ չէ ազգահավաքման։ Եվ սակայն դրա համար նա պետք է լինի ոչ միայն ազատ, այլև անկախ։

1920—21-ին Հայաստանը կորցրեց իր ազատությունը, կորցրեց իր անկախությունը, ինչպես նաև հնարավորությունը՝ ստեղծելու ազգային և հո-

զային միություն։ Այդ ամենի իրականացումը թեև չվերացավ առհավետ, բայց մեծապես դժվարացավ, երկարաձգվեց շատ։

Եվ ինչպես որ, ստեղծված պայմաններում, դյուրին և կարճ ժամանակվան խնդիր չէ Միացյալ և ազատ Հայաստանի իրականացումը, թերևս առավել ևս դժվարին է նրա կառավարյալ անկախության վերականգնումը։

Համառորեն հետապնդելով հանդերձ սեր ազգային քաղաքականության հիմնական նպատակները, մենք պարտավոր ենք հաշվի առնել իրական պայմանները, մեզ շրջապատող բոլոր ուժերը։

Հարկավ, յուրաքանչյուր մի ազգ ինքն է, իր ներքին բովանդակ կարողություններով, գլխավոր ազդակը սեփական քաղաքականության, բայց նրանից դուրս և հաճախ նրանից ուժեղ ուրիշ ազդակներ ևս կան, որ հաճախ խաճճեկ կարող են այդ ձգտումները, և որ անկարող են հաշվի չառնել մանավանդ անազատ, հպատակ ժողովուրդները։

Եվ մենք իրավունք չունինք միամիտ լինելու ու պատրանք սնուցանելու, թե այդ, բոլշևիկյան դիկտատուրան տապալվելուց կամ վերանալուց հետո պետք է դյուրությամբ ձեռք բերենք ոչ միայն մեր ազատությունը, այլև մեր անկախությունը։

Գաղտնիք չէ հարկավ, որ ոչ միայն ռուս միապետականները, այլև ռուս դեմոկրատ խմբակցությունը, անգամ ընկերվարականներից շատերը բնավ հակամետ չեն՝ Հայաստանին վերադարձնելու իր անկախությունը։ Վեհապետական, կատարելապես գերիշխան Հայաստան, դա հանդուրժելի չէ կարող լինել Ռուսաստանի ապագա որևէ իշխանության համար։

Այդ մենք գիտենք ու չգիտնալը առնվազն անխրատեսություն պիտի ըլնեն մեր կողմից։ Անկարելի է շտեմել, մյուս կողմից, տարբերությունը վերը հիշատակված ռուս տարրերի մեջ։ Այսպես, ռուս միապետականները իշխանություն գլուխ գալով ոչ միայն պիտի հիմքում ժխտեն Հայաստանի անկախությունը ամեն մի իրավունք, այլև բոլշևիկյան դաժանությամբ պիտի շարունակեն ճնշել Հայաստանի ազատությունը։

Ահա թե ինչու, կրկնակ տեսակետներով, անընդունելի են մեզ համար ռուս միապետականների նկրտումները։ Նրանք ոչ միայն կը շարունակեն կապել մեր ժողովրդի ազատությունը, այլև մեջտեղից կը վերացնեն մինչև իսկ ինքնուրույնության այն փշրանքները, որ այսօր—լինի դիկտատուրայի պայմաններում—դեռ բաժին են մնացած մեր երկրին ու ժողովրդին։

Քաղաքական-ազգային խնդիրներում միապետականները կը գերազանցեն բոլշևիկներին իրենց ճնշումներով, քաղաքացիական խնդիրներում շարունակելով հանդերձ ընթանալ վերջիններիս գծած ճամփայով։

Այդ տեսակետից բնավ անհեթեթ չէ հնչում «ցար» Կիրիլի գերման մի թերթում հրատարակած «հրովարտակի» ծրագրային այն խոսքը թե՛ ապագա Ռուսաստանը պիտի լինի խորհրդային միապետություն։ Արտինքն՝ բոլշևիկների ստեղծած խոռհուրդները (սովետները) պիտի մնան ինչպես որ կան ներկայիս, միայն թե նրանց գլուխը պիտի կանգնի ինքը, ապագա ցարը։ Ուրիշ խոսքով՝ Սթալին և Սթալինները Կիրիլով ու Կիրիլներով պիտի փոխարինվին, առանձն ձեռք տալու խորհրդային վարչակառույթի միջուկին։

Եվ այս-ինչպես նաև մի շարք ուրիշ-խնդրում գրեթե նույնանում են ռուս բռնապետության երկու քեռեր—բոլշևիկյան և միապետական։ Զուր տեղը չէ արդեն, որ ռուս միապետականները հաճախ ծափահարում են բոլշևիկների արտաքին և ազգային քաղաքականությունը։ Ռուս կայսերապաշտները իրականացած են տեսնում իրենց ծրագրի մի մասը բոլշևիկների ձեռքում։ Իսկ ամենիս առաջ—Ռուսաստանի միացումը և ամբողջացումը, ռուս հողերի հավաքումը։

Եվ սակայն բոլշևիկներից և միապետականներից դուրս կան նաև քաղաքական ուրիշ ազդակներ՝ Ռուսաստանի ապագան կերտելու խնդրում։ Իսկ այդ ապագան չէ կարող լինել միապետական թեկուզ հենց նրա հաժար

միայն, որ չկա այլևս, վաղուց վերացել է նրա տնտեսական-ընկերային խարիսխը, ուստի կալվածատեր ազնվականությունը, այլև խոշոր բուրժուազիան: Որպես գերազանցորեն աշխատավորական-գյուղացիական երկիր, Ռուսաստանի ապագա վարչակազմը կարող է լինել միայն և միայն դեմոկրատական-հանրապետական, ղեկավարությունը ընկերավարականների և ժողովրդավար տարրերի:

Իհարկե վերջիններս ևս առանց այլևայլի Հայաստանին չպիտի վերադարձնեն իր անկախությունը: Բայց նախ, գեթ իր ազատությունը կը ստանա հայությունը, և ապա՝ հանրապետական-դեմոկրատական Ռուսաստանում իրական ֆեդերացիան կը գա բռնելու այժմյան կեղծ, երևութական ֆեդերացիայի տեղը: Խորհրդային պայմաններում լրջորեն խոսել Վեբերացիայի մասին՝ ավելի քան միամտություն պիտի լինի:

Ֆեդերացիայի էությունը նրա բաղադրիչ երկրների և ժողովուրդների ազատություն և ապակեղծ Վարչաձևի մեջ է կայանում, մինչ բոլշևիզմի էությունը—դիկտատուրան է և ժայռահեղ կենտրոնացումը:

Ռուսաստանը, որ ազգայնորեն միատարր չէ բնավ, այլ բազմատարր, որ բուն ուս (վեբիկոուս) ցեղը ողջ ազգաբնակչության հազիվ 60 % է կազմում, ապագային պիտի լինի կամ հանրապետական-դաշնակցային և կամ նորեն, մի անգամ ևս պիտի կործանվի, հարկավ, կրկին ոտքի կանգնելու համար, բայց ազատ-դաշնակցային պատմանդանի վրա: Եվ ինչ խոսք, որ այդպիսի Ռուսաստանը, անգամ եթե նա հարկադրաբար փր մեջ պահի Հայաստանը, հազար անգամ ավելի գերադասելի է հայ ժողովրդի շահերի տեսակետից, քան Խորհրդային արդի Վեբերացիան:

Հասկանալի է ուրեմն, որ հայ ազգային քաղաքականությունը, առաջնորդվելով սեփական իսկ շահերի գիտակցությամբ, ողջունել միայն կարող է Ռուսաստանի ապագա վերականգնումը՝ դեմոկրատական-դաշնակցական գետնի վրա:

9

Հանրապետական դաշնակցային Ռուսաստանը հայ ժողովրդին ոչ միայն չի զրկի իր մարգկային-քաղաքացիական ազատություններից, որ ինքնին արդեն բարիք են, ոչ միայն նրան հնարավորություն կը տա շատ ավելի լայն-նոր՝ դարձադնելու իր ազգային մշակույթը—գարոց, արվեստներ, գիտություն, լեզու և շրջանություն—այլ անկարելի է, որ նա գեթ մասամբ բավարարություն չտա, թեկուզ հենց իր պետական սահմաններում, Հայաստանի հողային արդար պահանջներին:

Ամեն մի դաշնակցային պետական կազմ, եթե նա կեղծ չէ Խորհրդայինի պես, անհրաժեշտաբար պիտի առաջնորդվի երկու հիմնական սկզբունքներով—ազգային-լեզվական ու աշխարհայեցողական—տնտեսական:

Արդ, այդ երկու սկզբունքներն էլ խոսում են հօգուտ Հայաստանի բնադաձակման (համապետական սահմաններում):

Արդ, Հեռնային Ղարաբաղն ու Գանձակը, և Ախալքալաքը գերազանցորեն հարկադարձաբար պիտի մտնեն Ռուսաստանի կազմով, աշխարհագրորեն և տնտեսորեն էլ անբաժան մասերն են հայկական բարձրավանդակի: Շարունակական և տնտեսորեն Արարատյան դաշտի մի մասնիկն է, նրանից անբաժան, որով և անհրաժեշտություն պիտի դիտվի նրա վերակցումը ևս Հայաստանին:

Եվ հիրավի, դեմոկրատական Ռուսաստանը տակավին իր գոյության արշալույսին, 1917 թ. գարնանը, պաշտոնապես հավանություն տվավ հայության հողային այդ նվազագույն պահանջներին: Կեռենսկիի ժամանակավոր կառավարությունը միանգամայն արդարացի գտավ Անդրկովկասի նախագծված վարչական նոր բաժանումը, որով վերահիշյալ գավառները ճանաչվեցին որպես հայկական: Թե ինչ պատահեց այնուհետև, հայտնի է: Որ Ռուսաստանի ապագա որևէ դեմոկրատ-դաշնակցային կառավարություն ևս

դժվար թե անտես անի մեր այդ պահանջները, ավելի քան հավանական է: Եվ այդպես պիտի վարվի նա հարկավ ոչ թե մեր սիրուն աչքերի խաթեր, այլ առաջնորդվելով համապետական շահերով, որ տվյալ սահմաններում նույնանալու են հայկական շահերի հետ: Երկրորդ, նրա համար, որ հանրապետական-ազատ կարգերում, ուր պիտի իշխեն իրավունքը և ազատ կամքի արտահայտությունը ժողովուրդների, անկարելի է դուրսբերել ոտնատակ տալ վերջիններիս սրբազան իրավունքները, փակելով նրանց բերանը, ինչ որ բխում է ամեն մի բռնապետական ռեժիմի էությունից իսկ, լինի նա ցարական, թե բոլշևիկյան:

Եվ սակայն ոչ միայն ներքին, այլև արտաքին քաղաքականությունից դրդված՝ հանրապետական դաշնակցային Ռուսաստանը պիտի նպաստի հայության և Հայաստանի տնտեսական իրավունքները գեթ մասամբ շտկելու: Քաղաքական մանուկների համար միայն պարզ չէ այն, որ արդի Հայաստանի հողային և ամեն կարգի զրկանքները այսօր՝ արդյունք են նախ և առաջ խորհրդային Մոսկվայի և Բեմալական Անգլո-սովետական պայմանագրի, այդ երկուսի դաշնակցության: Այս վերջինիս զոհ բերեց Ռուսաստանը ի թիվս ուրիշ բաների նաև մեր հայրենիքի կենսական շահերը: Ընդհանուր թրջնամուսնի—Անգլիայի—դեմ պայքարելու, ինչպես նաև «համաշխարհային հրդեհ» Ասիայում վառելու մոլուցքով տարված՝ Մոսկվան ձեռք մեկնեց դարավոր ոստիկին:

Որ սակայն այդ պատրանքները վաղ թե ուշ հօդս պիտի ցնդեն, որ ապագա ազատ Ռուսաստանը պիտի հիմնական վերաքննության ենթարկի իր խորհրդային նախորդի արևելյան քաղաքականությունը, ավելի քան պարզ է: Պարզ է նաև այն, որ այդ քաղաքականության առաջին արդյունքներից մեկը պիտի լինի՝ առնվազն ու առաջին հերթին քեմալական Տաճկաստանի կողմից գրավված անդրկովկասյան գավառների վերստացումը: Թող դա կատարվի Ռուսաստանի անունով և նրա ընդհանուր շահերի համար, բայց որ Սուրմալուն, Կարսը և Արդահանը նորեն Անդրկովկասին անցնելով ու թեկուզ վարչականորեն միայն Հայաստանին կցվելով մեծապես պիտի շահի նաև վերջինս, ակներև է ինքնին:

Երևակայել, թե ուսական որևէ կառավարություն դուրսբերում պիտի դիքի Կարսը Տաճկաստանին, անկարելի իսկ է: Եվ նա այդ չի անի, որովհետև վատագույն պարագային իսկ՝ նա ռազմապես և քաղաքականապես անբազմաթիվորեն ուժեղ պիտի լինի, քան այսօրվան խորհրդային Ռուսիան: Փաստ է, որ վերջինիս ձայնը և դիրքը միջազգային խնդիրներում ավելի թույլ է և անզոր, քան որևէ ուս կառավարության՝ անցյալում:

Խորհրդային Ռուսիան—չխաբվենք շլացուցիչ բառերից և գոռում-գոչուներից—այսօր ավելի ինչ չէ, քան մի երկրորդական պետություն՝ որպես միջազգային քաղաքական ազդակ: Կարելի բան է, որ 150—160 միլիոն հաշվող մի երկիր մշտապես այդ վիճակի մեջ մնա: Հարկավ ոչ:

Ահա թե ինչու: Անգլո-սովետական վարիչները որպես երկնքից ընկած մի բառիք ողջունեցին խորհրդային Ռուսաստանը—թուլացած և անզոր, ռազմական-քաղաքական ստվերը իսկական Ռուսաստանի: Եվ ահա թե ինչու ի մեջ այլոց, Անգլո-սովետական դողում է ամեն մի հավանականության առջև, որ Ռուսաստանի վերակազդուրման, վերականգնման մասին է խոսում: Մանավանդ նա չի աչքի, որ վերադարձնած ուսական ծովի արիքները ի զորու պիտի լինին շատ ավելի հեռուները ևս հորձանքներ առաջացնելու: Պարզ է ուրեմն, որ Տաճկաստանը թեկուզ այդ իսկ մեկ հատիկ պատճառով—շատ ուրիշները ևս կան—բոլորովին դիկտատորներից հետո կամ նրանց համահավասար՝ շահաբերված է խորհրդային վարչակարգի պահպանումով և հարատևումով, բայց միայն... իրենից դուրս, Ռուսաստանում: Որ նույն այդ ուսական ռեժիմը հեռավոր ժողովուրդներին է մատուցել և մատուցում է Տաճկաստանին ուրիշ ճակատներում ևս, դա ևս աշխարհին ծանոթ փաստ է:

Եվ այսպես, ապագա Ռուսաստանը, որ որպես դաշնակցային հանրապետություն միայն վերականգնել կարող է, բոլոր պարագաներում շատ ավելի նպաստավոր պիտի լինի հայկական և Հայաստանի շահերի տեսակետից, քան՝ արդի, հորհրդային Ռուսաստանը։ Վատթարագույն պարագային իսկ՝ նա ավելի ընդունելի պիտի լինի մեզ համար, ներկայիս քաղաքատնտեսամբ, քանի որ նա գեթ ինքն իր համար և իր մեջ ուժեղ պիտի լինի՝ հանդեպ հարևան Տաճկաստանի, որով և հայությունը ամենավատ պարագային գեթ իր փոքրացված հայրենիքում շարունակ չպիտի դողա իր ֆիզիկական գոյության, իր վաղվան համար։

Լինինք արդար և շուրանանք պատմական փաստերը։ Յարական կառավարությունն անգամ այնչափ դաժան, անսիրտ չեղավ կարկտահար, փախուստական հայ բեկորների հանդեպ, որչափ հորհրդային Ռուսաստանը։ 1895—1896-ի կոտորածներից հետո՝ տասնյակ հազարավոր փախստական տաճկահայերի մուտքը չարգելվեց Կովկաս և Ռուսաստան, ինչպես այժմ է արվում։

1915-ի և հետագա նահանջներին 150—200 հազար թրքահայություն ապաստան գտավ Կովկասում և Հայաստանում։ Ինչ խոսք, ցարական Ռուսիան ինքն ևս ոճրապարտ էր թրքահայության հանդեպ, բայց միթե՞ ավելի թեթև է կշռում՝ հորհրդային Ռուսիո ոճիրը՝ հանդեպ մեր տասնորդված զանգվածների։ Ինչպես է որ, վերջապես, հորհրդային կառավարությունը տեր է կանգնում հին Ռուսաստանի ողջ ժառանգության, այնինչ նա հրաժարվում է փր նախորդի փոխարեն պարտահատույց լինելու՝ պատճառած զոհերի ու պարտքերի հանդեպ։

Կուզենք լանք, կուզենք ողբանք, փաստը մնում է փաստ։ Հազար կողպանքներով փակված են այսօր Ռուսաստանի և Հայաստանի դռները՝ համաշխարհային և հորհրդային դիվանագիտության բազմահազար զոհերի առջև։ Այսչափ դաժան լինել չէ կարող, խոստովանենք այդ, որն է ուս կառավարություն՝ ապագա ազատ Ռուսաստանում։ Անկարելի է, որ նա հայ փախստականների առջև գեթ այն չափով բաց շանի իր և նրանց, այդ փախուստականների, հայրենիքի դռները, որչափ արավ թեկուզ մի փոքրիկ, պարտված ու աղքատացած Բուլղարիա կամ Հունաստան։

Ինչ խոսք, ապագա դաշնակցային Ռուսաստանի մի ինքնավար մասը կազմող Հայաստանը տակափին այն անկախ Հայաստանը չէ, որ կազմում է մեր քաղաքական ձգտումների առարկան։ Բայց դա մի կարևոր հանգրվան պիտի լինի դեպի ցանկալի անկախությունը, որ զալ կարող է նաև ուրիշ, արտաքին ու ներքին նպաստավոր պայմանների դասավորումով, որին դեմ չլինի անգամ Ռուսաստանը՝ իր իսկ շահերի տեսակետից։

Ուրիշ խոսքով՝ գերիշխան, անկախ Հայաստանը վերստեղծվել կարող է որպես արդյունք միջազգային ուժերի նոր դասավորման, ուր ազատ Ռուսաստանը կարող է մինչև իսկ նախաձեռնողի դեր ստանձնել, քանի որ միանգամայն հնարավոր է հաշտեցումը անկախ Հայաստանի և ազատ Ռուսիո քաղաքական շահերի։

Բոլոր պարագաներում՝ անկախ, գերիշխան Հայաստանն իսկ՝ տնտեսական և քաղաքական որոշ հարաբերության մեջ պիտի մտնի, իր իսկ շահերից գրաված, ինչպես իր դրացի երկրների, այնպես և ապագա Ռուսաստանի հետ։

Քաղաքական անկախությունը ինքնանպատակ չէ մի ազգի համար, այլ միջոց՝ նրա բովանդակ ուժերը բազմակողմանիորեն զարգացնելու համար։ Անհնար բան չէ երբեք, որ այս իսկ՝ ազգային գերագույն շահերի տեսակետից՝ մի ազգ հանձն առնի իր կատարյալ անկախության, գերիշխան գոյության մի որոշ սահմանափակումը։

Եվ իսկապես, ազգերի քաղաքական զարգացումը միալար, ուղղագիծ ընթացք չունի։ Մի կողմից նա տանում է դեպի ինքնուրույնություն, իսկ մյուս կողմից, վերջինիս սահմանափակման գնով, դեպի մերձեցում և կապակցու-

թյուն ուրիշ միավորների հետ, կենտրոնացումը և ապակենտրոնացումը իրար համընթաց երևույթներ են: Ազգային-մշակութային պահանջը նպաստավորվում է միշտ ապակենտրոն կարգերում, իսկ տնտեսականը՝ կենտրոնացման ճանաչումով: Դրանով պիտի բացատրել, որ, օրինակ, մաքսային պատենշները վերացնելու անհրաժեշտության առաջ պատրաստ են իրենց վեհապետաՊան որոշ փրավունքներից հրաժարվել անգամ մեծ պետությունները:

Խնդիրը դրանում չէ, ոչ էլ անկախության շրջանակի մասին: Վերջինս կարող է լինել լայն կամ նեղ, անգամ բավական սահմանափակված՝ դաշնակցային կարգերով, նայած պայմաններին և իրական ուժերի հարաբերության:

Եվ եթե մենք քննադատում ենք «խորհրդային Դաշնակցությունը», ոչ թե նրա համար, որ դաշնակցային կազմը բոլոր պարագաներում ժխտելի է մեզ համար, ընդհակառակը, այլ նրա համար նախ, որ խորհրդային «Դաշնակցությունը» բնավ դաշնակցություն չէ և չէ կարող լինել: Եվ երկրորդ նրա համար, որ այդ վարչաձևը պարտադրված է հայ ժողովրդին՝ օտարի ձեռքով, ավիաների ուժով: Ապա թե ոչ, անկարելի բան չէ, մինչև փսկ հավանական է, որ—կրկնում ենք միշտ՝ տվյալ իրական պայմաններում հայ ժողովուրդը, ազգային կատարյալ ինքնորոշման իրավունք իսկ ունենալու պարագային՝ իր ազատ քվեն տա հօգուտ դաշնակցային կապի՝ ինչպես իր դրացիների, այնպես և Ռուսաստանի հետ:

Արդեն իսկ ազգերի ազատ ինքնորոշումն է ամեն մի իսկական ֆեդերացիայի հիմքը:

Ահա այդ՝ ազատ ինքնորոշման իրավունքն է, որին պիտի ձգտի հայ ազգային քաղաքականությունը, անկախ այն հանգամանքից, թե նա ի վերջո կատարյալ անկախության պիտի հանգի, թե դաշնակցային կամ դաշնագրային կապի՝ Անդրկովկասյան երկրների և Ռուսիո հետ միանգամայն:

11

Ազատ, անկախ և միացյալ Հայաստան—ահա, ուրեմն, հայ ազգային քաղաքականության գերագույն առարկան: Իսկ ո՞րն է նրա ենթական, որո՞նք են նաև այն կողմնակի ազդակները, որոնք նպաստել կարող են այդ քաղաքականության հաջողության:

Անհրաժեշտ չէ, հարկավ, որ ներկա պայմաններում գոյություն ունենան բոլոր այն նախադրյալները, որ պետք են առաջադրված քաղաքական նպատակի՝ հրադրօնու համար: Բայց նրանք պիտի լինին առհասարակ հնարավոր՝ գեթ քաղաքական նպաստավոր պայմաններում, պիտի բխին իրական կյանքից:

Ամեն մի ժողովրդի քաղաքական ճակատագիրը դարձնողը նախ և առաջ այդ ժողովուրդը ինքն է: Կողմնակի ազդակները կարող են նպաստել կամ վնասել նրան, և սակայն տվյալ ժողովուրդը փնքն է, որ իրականացնել կարող է—և կամ անկարող է—իր քաղաքական իդեալը:

Այսպես նաև, հայ ժողովրդի վրա է ընկնում ողջ ժանրությունը սեփական դատի: Նա իր ջանքերով ստեղծեց մի հայրենիք, ձեռք բերավ նրա համար ազատություն և անկախություն, հայությունը առնում էր նաև առաջին քայլերը հայրենի հողերի միացման, երբ կես ճամբուն մնաց և վրա տվավ իր քաղաքական նվաճումների մի խոշոր մասը:

Շատ է խոսվել պատճառների մասին, շատ ենք ծանրացել մանավանդ արտաքին պարագաների վրա, որոնք հիրավի վճռական դեր են խաղացել: Եվ սակայն դա չէ նշանակում, թե ներքին պատճառները նվազ ճակատագրական են եղել: Եվ դրանք թվում հիմնականն այն է, մեր կարծիքով, որ հայ ժողովուրդը առաջադրեց իրեն մի քաղաքական ծրագիր, որի ծանրություն տակ պարզապես կբեց ինքը:

Հիշեցեք, թե 1918—1920 թվականների կարճ միջոցին որչափ ձևափոխություններ կրեցին հայկական հողային պահանջները,—ծովից ծով ծրագրից

մինչև վերջերյան և ավելի անձուկ սահմանները:

Հայ ժողովուրդը ի վիճակի էր իր սեփական ուժերով իրագործելու այդ ծրագիրները: Հարկավ ոչ: Եվ մենք մեր աչքերը հառել էինք դեպի դուրս, մեր հույսերը կապել օտար ազդակների հետ, որոնք նպաստավոր պայմաններում միայն օժանդակել կարող էին և ոչ հանդիսանալ վարիչ ազդակ՝ իրենց համար համեմատյան դեպս մի օտար դատի:

Անցել են տարիներ, և մենք պարտավոր ենք վերագնահատության ենթարկել մեր անցյալը, ապագային խուսափելու համար նման սխալներից:

Արդյո՞ք մեր հողային առավելագույն պահանջները բխում էին Հայաստանի և հայ ժողովրդի կենսական շահերից, շասելու համար արդյո՞ք հասանելի էին նրա քաղաքական տարողության: Հարկավ ոչ: Եվ այդ առավելագույն պահանջները մեզ թելադրեցին—զանազան եսական նկատմամբերով—մի կողմից օտար դավաճանները, իսկ մյուս կողմից՝ զաղութահայ բուրժուազիան, որի համար անընդունելի էր «Այրարատյան Հայաստանը», եթե նրա մեջ չմտնեի կիրիկիան: Եվ որովհետև նրա, որպես անհող և հայրենախույս մի տարրի, ազգային ամբողջ քաղաքականությունը արմատներ չունեի և շունչի բուն իսկ երկրի և ժողովրդի մեջ, դրա համար էլ նա ընդունակ է մի ապրանքային հարկի միջոցով իրեն հարկադրված դնել: Երկրի ծովի ծով Հայաստան պահանջող մարդիկ այսօր պատրաստ են հաշտվել մինչև իսկ փոքրացած և մասնատված հայրենիքի ստրկացման փաստի հետ:

Թողնենք բակայն անցյալը, որ քաղաքական սրբազորողի դեր ունի ներկայի և ապագայի համար:

Պատմական բերումներով ներկայիս Հայաստանի սահմանների մեջ ապրում մեր ժողովրդի մի փոքր մասը միայն, հազիվ 1/4-ը: Մնացածը կամ անդրկովկասյան սահմանամերձ երկրամասերում է ապրում, և կամ ցրված՝ Կովկասի, Խորհ. Միության և արտասահմանի զանազան վայրերում:

Հայաստանի հայությունն է, որ կրողը պիտի հանդիսանա մեր ազգային փառափառության, նրա առաջ մղիչ ուժը: Քանի որ, եթե ճիշտ ձևակերպեցինք, բացառապես Հայաստանն է նույն այդ քաղաքականության առարկան, ապա ուրեմն հասկանալի է և միակ ընդունելի այն ճշմարտությունը, թե՛ նրա լրացնող անհրաժեշտ էլ կրողը պիտի լինի այդ օտարազգայնություն:

Ուրիշ խոսքով՝ քանի որ հայկական խնդիր ասելով Հայաստանի խնդիր ենք հասկանում, նրա ազատության, անկախության և ընդարձակման խնդիր, ապա ուրեմն գա առաջ մղվել կարող է միայն և միայն Հայաստանի հայության ուժերով: Սահմանամերձ հայությունը բաղդատաբար ավելի, իսկ զաղութների հայությունը նվազ չափերով օժանդակիչ ազդակներ միայն լինել կարող են, բայց ոչ երբեք՝ վարիչ և ղեկավար մեր ազգային—որ է՝ Հայաստանի—քաղաքականության:

12

Այսպես ուրեմն, երբ մենք փոստում ենք մեր ազգային—ասել է՝ Հայաստանի—քաղաքականության մասին, որպես վարիչ, առաջ մղիչ ուժ առնելու է երկրի ժողովուրդը միայն, գրսի հատվածների օժանդակիչ կամ խանգարիչ-արժեքը շտապանալով հանդերձ: Հայաստանի ժողովուրդն է միայն, որ պայքարել կարող է և հաջողացնել ի վերջո ինչպես իր ազատությունը, այնպես նաև իր անկախությունը և սահմանների ընդարձակումը:

Իսկ քաղաքական ի՞նչ հոսանքներ կան Հայաստանում, որ տարբեր իրենց դիրքից, արժեք են ներկայացնում այս խնդրում: Միայն երկուսը—Հ. Հ. Դաշնակցությունը և համայնավար կոալիցիայությունը: Եվ որովհետև վերջինս մասամբ միայն հայկական է, իսկ առավելապես օտար, ուստի համայնական կոալիցիայության հայկական հատվածը, ապա՝ որովհետև նրա «ազգային փառափառությունը» չէ ընդունում Հայաստանի խնդիր, այսինքն՝ տարբեր կամ ավելի ինչքան կա այսօր, որովհետև Զինվորների ու Ռատեքների բերնով արդեն իսկ «լուծված» է հռչակել հայկական դատը, ապա ուրեմն

2. 2. Դաշնակցությունը կա և մնում է միակ ուժը երկրի մեջ, որ կենդանի է պահում ազատ, անկախ և միացյալ Հայաստանի նշանախոսքը, և որ պատեհ առթիվ նորեն պիտի ստանձնե ղեկավարողի դերը Հայաստանի ազգային քաղաքականության խնդրում:

2. 2. Դաշնակցությունից և համայնավարներից դուրս, դժբախտաբար թե բարեբախտաբար քաղաքական ուրիշ հոսանքներ չկան Հայաստանում: Լավ է թե վատ, պիտի ընդունիք փաստը: Ռամկավարներ, սոցիալ-դեմոկրատներ, էսէրներ և հարակից տարրեր—գուցե գոյություն ունին անհատապես, բոլոր պարագաներում նրանք քաղաքական հոսանքներ և ազդակներ չեն եղած և չեն մանավանդ այժմ:

Վերցնենք գաղութները:

Այստեղ ևս նույն հիմնական և հակոտնյա հոսանքները: Դիշտ է, Ռամկավաճեճը ավելի են քանակով և որակով, քան համայնավարները, բայց քանի որ նրանք չեն ներկայացնում ազգային ուրույն քաղաքականություն և ամբողջովին յուրացրել են համայնավարների «Հայաստանյան քաղաքականությունը», ապա ուրեմն այս վնասը ևս նրանք չեն ներկայացնում ինքնուրույն ազդակ: Թեև ուզ օժանդակի դերում:

Ավելին դեռ: Թող Ռամկավար հոսանքը լինի հայկական, թող նրա հետևիչները լինին, իրենց իմաստով, գերազանց հայեր, բայց որովհետև նրանք հայրենասիրտ, գաղութածին տարր են և որևէ արմատ չունին Հայաստանի իրականության մեջ, այդ պատճառով էլ նրանց Հայաստանյան քաղաքականությունը—լինի կողմնակի ձևով—ավելի վնաս է տվել և կը տա Հայաստանի դատին, քան՝ օգուտ, քանի որ անհող է միանգամայն, լավագույն պարագային՝ սոսկ զգացմունքի արդյունք:

2. 2. Դաշնակցության արտահայաստանյան հատվածներին ևս, ինչ խոսք, միայն օժանդակողի դեր է վերապահված այս խնդրում: Եվ մեծ է, անփոխարինելի այդ դերը հատկապես և մանավանդ նրա համար, որ ոչ միայն այդ հատվածների կուսակցական կազմը մեծապես Հայաստանյան է, Հայաստանի սահմաններից եկած, տակավին նրա հետ հազար-հազար ներքին թեքերով կապված տարրերից բաղկացած, այլև այն պատճառով, որ արտասահմանյան 2. 2. Դաշնակցությունը իր ազգային ողջ քաղաքականությունը հիմնում է երկրի իրականության վրա, իր բոլոր քայլերը թխեցնում է Հայաստանի իրականությունից, մշտաբար, ուշադիր ունկնդիր է հայրենիքից եկած ձայներին և թելադրանքներին: Կարճ՝ նա վարում է Հայաստանյան քաղաքականություն, որովհետև նրա խարիսխը Հայաստանյան է, որովհետև ինքն էլ գերազանցորեն Հայաստանյան կուսակցություն է: Այդպես չէ Ռամկավար կուսակցությունը: Լավագույն դեպքում նա իսկապես գաղութահայ մի հոսանք է, մի ուղղություն, և ոչ իսկ կուսակցություն, որովհետև չունի և ի վիճակի էլ չէ ունենալու երկրային քաղաքականություն: Իր հետևիչներն էլ բացառապես գաղութածին հայեր են, մեծ մասով մինչև իսկ Հայաստանի երեսը չտեսած մարդիկ:

Ոչ պակաս կարևորություն ունի և այն պարագան, որ մինչ 2. 2. Դաշնակցության ազգային քաղաքականության համար Հայաստանը ինքնաճանաչվել է, համայնավարների և նրանց հետևից գնացող տարրերի համար՝ նա փաստորեն միջոց է տարբեր նպատակների համար: Եթե պետք լինի, օրինակ՝ համադիտահային հեղափոխության համար զոհ բերել Հայաստանը, այդ կանեն նրանք: Եվ մեկից ավելի ապացույցներ էլ տվել են այդ ուղղությամբ: Եվ դա նրա համար, որ նրանց գլխավոր և գրեթե միակ հենարանը արտաքին, օտար ուժերն են:

Մարդիկ, որ օրն ի բուն քննադատում են 2. 2. Դաշնակցությունը այն պատճառով ևս, որ սա հաճախ զգործիք է դարձել աշխարհակալ դիվանագիտության ձեռքին, նույն այդ մարդիկ այսօր կամովին և կուրորեն ինքնաճանաչվել և իրենց վարած երկիրը ամբողջովին արամադրել և ստորագրել են

մի օտար, խոքոք դիվանագիտության և ծրագիրների: Մարդիկ, որոնք չեն քաշվում օրն ի բուն անդուռն բերանով խարանելու սեփական ժողովրդի ազատագրությունը հետապնդող պայքարը անցյալում, աշխարհակալական և արկածախնդրական որակելով այն, ելեր են այսօր ու հրավեր են կարդում մեր կոտորակված բազմություններին՝ Սիրիայի դաշտերում արյուն ոթելու մի օտար դատի համար:

Ինչու՞ ծածկել: Հայ ազատագրական շարժումը իր մանկության օրերին բազմիցս է սայթաքել, հաճախ է նա զործիք ծառայեցվել օտար ուժերի ձեռքին, օտար նպատակների համար: Բայց այդ սխալները միշտ էլ առաջացել են անփորձությունից, կատարվել են սեփական դատին ծառայելու, թեև հաճախ միամիտ, այլ սրբազան հավատքով, վերջապես՝ անգիտակցաբար: Եվ մեզ այդ ամենի մեջ մեղադրողները նույնը և շատ ավելին անում են այսօր գիտակցաբար, այն ևս այսքան տարիների փորձերից և փորձանքներից հետո:

Ահա թե ինչու նման քայլերը կրում են ոչ թե քաղաքական պիտանքների բնույթ, այլ պարզապես հանդիսանում են քաղաքական հանցանքներ և ոճիրներ:

Այստեղ մենք չենք խոսում գաղութահայ կյանքի ուրիշ երևույթների մասին—մշակույթ, գրականություն, մամուլ, կազմակերպություններ և այլն—որոնք, անշուշտ, կարևոր գործոններ են ինքնին: Եվ սակայն այդ ամենը քաղաքական հոսանքների միջոցով, նրանց խողովակով է միայն, որ կարող է—միշտ էլ օժանդակի դերում—սպաս դրվել ազգային քաղաքականության ընդհանուր նպատակներին:

Արտաքին, օտար ազդակներին ևս բնականաբար կողմնակի դեր միայն վերապահել կարելի է ազգային քաղաքականության խնդրում: Անգիտակցից, ինքնուրույն կյանքի պահանջ լուսնեցող ժողովուրդների համար արտաքին ամենարարենպաստ պայմաններն անգամ չի զորու չեն՝ քաղաքական կյանք ներշնչելու: Հավաքույն դեպքում սոսկ օտար ուժերի ձեռքով ի կյանս կոչված պետական միավորները, անգամ եթե գոյության իրավունք է վիճակված նրանց, նույն այդ ուժերին մշտապես ծառայելու են դատապարտված:

13

Եվ այսպես, հայ ազգային քաղաքականության գերագույն առարկան Ազատ, Անկախ և Միացյալ Հայաստանն է, նրա առաջնորդ ուժը՝ Հայաստանի ժողովուրդը, իսկ օժանդակ ազդակները՝ գաղութահայ հատվածները և արտաքին նպաստավոր պայմանները:

Եվ սակայն արտաքին ազդակները կարող են որչափ նպաստավոր, այնչափ էլ աննպաստ դասավորվել մեզ համար: Դրա բազմաթիվ փորձերը ունենք արդեն: Ազգային քաղաքականության հիմնական փնդիրներից մեկը պիտի լինի ահա՝ ոչ միայն ջանալ պահել և շատացնել նպաստող արտաքին ազդակները, այլև խափանել, վերացնել աննպաստները և, եթե հնարավոր է, այդ վերջինները մինչև իսկ նպաստավոր դարձնել իր համար:

Ռուսաստանի մասին խոսեցինք արդեն: Զօանքանանք ավելի հեռավորների վրա: Վեր առնենք միայն Անգլիան, որ Ռուսաստանի հետ միասին և նրան համահավասար վճռական, երբեմն մինչև իսկ ճակատագրական դեր է խաղացել մեր հարցում:

Հայ դատի պատմությունը ցույց է տալիս, որ նրա անհաջողությունները, նրա կրած պարտությունները մեծագույն մասով այդ երկու հզոր, աշխարհակալ պետությունների հակամարտության հետևանք են: Երկուսն էլ դավել ու գավտորել են մեզ մի ամբողջ հիսնամյակի ընթացքում, սկսած Սան-Սանթանայից մինչև Լոզան: Անգլիան ավելի, մեր կարծիքով, քան Ռուսիան: Մի կարճ միջոց միայն, 1918—1920, անգլիական արևելյան քաղաքա-

կանությունը նպաստավոր ընթացք առավ մեզ համար, այլապես նա միշտ էլ Պիղատոսի դերում է եղել Հայաստանի հանդեպ, հարկավ՝ որպես Ռուսաստանի ոստիս։ Վերջին անգամին էլ, 1920—1921-ին, կարմրած Ռուսաստանը մեզ զոհ բերավ իր հակաանգղիական քաղաքականության, մեր կիսալենինյան մարմնի վրայով ձեռք մեկնելով Տաճկաստանին։

Քաղաքատարար տանելի վիճակ ստեղծվեց մեր երկրի ու ժողովրդի համար 1907—1917-ի տասնամյա միջնադարին, երբ երբեմնի ոստիսները համաձայնության եկան, ընդդեմ ընդհանուր հակառակորդի՝ Գերմանիայի։

Այդ միջոցին էր, որ մշակվեց ու ընդունվեց նաև Տաճկահայաստանի բարեփոխության ժրագիրը (1914, հունվար), որ սակայն համաշխարհային պատերազմը եկավ սրբեց։

Եվ որչափ երկար տևեց անգլո-ռուս հակամարտությունը, այնքան վատ փոքրիկ Հայաստանի համար։ Մի ուրիշ դժբախտ օր ես կարող է այդ հակամարտությունը ուժգնորեն շղթայազերծվել ու նորեն զոռ մարտի թատր դարձնել Հայաստանը, կրկին ավերակների կույտեր ստեղծել այնտեղ։ Ինչ տարակույս, որ այդ երկու՝ հավասարապես աշխարհակալ, ոստիս պետությունների վճռական մարտին հրապարակ պիտի նետվին ուրիշ ուժեր ես, ուժեր, որոնք հարմար առիթ են որոնում՝ ոտնատակ տալու մեր երկիրը։

Ահա թե ինչու մեծապես վտանգավոր են, դարձյալ մեր շահերի տեսակետից, այն ռազմաշունչ ճառերը և հոխորտանքները, որ խորհրդային աշխարհակալության հայ գործակալները օրն ի օրն փչում են բրիտանական աշխարհակալների հասցեին։ Առնվազն 1—2 սերունդ հանգիստ և խաղաղություն վայելելու անհրաժեշտություն ունի Հայաստան՝ ազգայնապես և տնտեսապես կազդուրվելու, նոր ուժեր հավաքելու համար։

Վասնզի ո՛չ միայն անհնար չէ, այլև հավանական է խիստ, որ եթե ոչ վաղը, բայց հաջորդ օրը անպայման համաձայնության գա Անգլիան Տաճկաստանի հետ և, այսպիսով, ռուս-անգլիական մի նոր գոտեմարտի մեջ Տաճկաստանը ես խառնվի։

Հասկանալի է նաև, թե նման պարագայի նրանից, Տաճկաստանից դուրս մեզ շրջապատող ուրիշ ի՛նչ ուժեր ևս պիտի մասնակցություն բերեն ընդհանուր պայքարին։ Հասկանալի է այն ևս, որ այդ դեպքում Հայաստանը նորեն ռազմաբեմ պիտի դառնա իր համար բոլորովին օտար նպատակների ու խորթ պայքարի, կրկին անգամ մահացուորեն ոտան կոխան լինի մեր արյունաքամ հայրենիքը։

Լավ, եթե բախման միջոցին Տաճկաստանը Ռուսիո փողբին լինե, շարունակելով մնալ նրա դաշնակիցը։ Այդ պարագային գեթ մեր երկիրը դուրս կը մնա կռվի անմիջական շրջանակից և Անգլիո հավանական հաղթության պարագային Հայաստանի և հայ ժողովրդի կրկնակ թշնամիները, խորհրդային Ռուսիան և Թուրքիան, տապալվելով միասնաբար՝ նրանց ավերակների տակից էլ թերևս հայություն ու Հայաստանը ես տեր դառնան իրենց իրավունքին։

Եվ սակայն մենք պարտավոր ենք նախատեսել և առաջին հնարավորությունը, որով և պետք է վարել մեր ազգային քաղաքականությունը մի այնպիսի հունով, ուր ըստ հնարավորին պակաս լինին խուժերը։

Այս խնդիրը, Հայաստանի արտաքին քաղաքականությունը, ինչպես նաև մեր ու մեր դրացիների փոխհարաբերությունը, առանձին նյութեր են, դուրս՝ ներկա հոդվածի շրջանակից։ Հայ ազգային քաղաքականությունը պետք է հիմնվի միայն և միայն իր սեփական ուժերի, մեր երկրի իրական պայմանների մրա, հարկավ օգտագործել ջանալով օտար ազդակները։

Դժբախտաբար դառն իրականությունն ա՛յն է, որ դեռ այսօր էլ օտար ուժերն են շարունակում մեզ օգտագործել՝ հօգուտ իրենց հսակա՛ն շահերի, պառակտելով մեր ազգային ճակատը։ 1918—1920-ին նրանք նույն այդ նպատակով ստեղծեցին «երկու Հայաստաններ»-ի խնդիր, ընդդեմ Հայաստանի առաջ քշեցին Կիլիկիան ու «Հայկական օգախը», Հայաստանի քա-

ղաքական ներկայացուցչության կից ստեղծել տվին և պաշտպանեցին մի երկրորդ՝ ա. կ. «Ազգային Պատվիրակություն», լարեցին նրանց իրար դեմ, մեր ձեռքերով իրենց համար շագանակներ հանեցին կրակի միջից, հերթով ու միասնաբար դավեցին ու դավադրեցին ինչպես իրար, այնպես էլ, մի՛շտ ու հանապազ, մեր արյունաքամ ժողովրդի դեմ: Անգամ այսօ՛ր նրանք շարունակում են իրենց հայասպան դերը նրանով, որ օրինակ ամերիկյան «Հայասեր» միսիոներների ու հայ մարդկանց ձեռքով խլել են ուզում արտաքին ճակատի վրա մեր ձեռքին մնացած փոքրիկ զենքերն իսկ:

Մյուս կողմից՝ կարմիր պատմուճան հագած Ռուսաստանն է շարունակում իր թմբուկը զարնող հայ բուշեիկների ձեռքով Հայաստանը օգտագործել իր արտաքին նպատակների համար: Ավելին դեռ: Միջնորդապես կամ անմիջապես նա որոմներ է ցանում արտասահմանի հայության մեջ և ըրպես կամազուրկ խաղալիքներ գործածում ոչ միայն համայնավար հայերին, այլև գաղութահայ բուրժուազիան: Վերջին հաշվով՝ Մոսկվայի ձեռքում շտեմնելու համար այդ դավադրության կծիկը՝ կուլյր պետք է լինել և կամ անգետ՝ քաղաքական տարրական հարցերում: Երևանի և Թիֆլիսի քաղաքական ճամփա ա: Սոսկվայի վրայով է անցնում: Աչքաթող անելու չէ երբեք այս տարրական ճշմարտությունը:

Ամփոփենք: Ազատ, Անկախ և Միացյալ Հայաստանը մեր ազգային քաղաքականության կետ-նպատակն է:

Այդ նպատակը հետապնդող միակ իրական և վստահելի ուժը Հայաստանի ժողովուրդն է: Վերջինիս իրական կարողությունը համապատասխան, տանելի պիտի լինի հայ ազգ. քաղաքականությունը՝ իր բոլոր փուլերում, որ հանդրվաններով միայն կարող է զարգանալ:

Արտասահմանի հայ հատվածները օժանդակողի դեր միայն խաղալ կարող են, հատկապես նրանք, որոնք ոչ միայն զգացումով, այլև ծագումով ու մտքով աճեցված, ինչպես նաև ուրիշ թելերով անխզելիորեն կապված են Հայաստանի հետ:

Այդ տարրերը ներկայիս արտասահմանում դեգերող մեր աշխատավոր, Հայաստանցի զանգվածներն են, որոնք առաջի՛ն հերթին իրենց բազուկը և միտքը պատրաստ են ի սպաս դնելու հայրենիքին:

Գաղութահայ բուրժուազիան, որ մեծամասնությամբ գաղութածին է և մի խոշոր չափով օտարացած շահերով ու զգացումներով, նյութապես և մշակութորեն միայն կարող է օգտակար լինել: Բայց նա անտարբերի՝ գերում է հանդես ցայիս հաճախ, երբեմն մինչև իսկ վնասակա՛ր դիրք է բռնում հանդեպ Հայաստանի և հայ ազգ. քաղաքականության՝ իր գործով, հակառակ իր խոսքերի: Օտար դիվանագիտության ձեռքին շարունակել խաղալիք մնալը, արտասահմանի ազգային դրամագլուխների փոխադրությունը Հայաստան արգելելը և այլն, փաստեր են ասածներին:

Ազգային ճակատի հաստատումը հրամայական պահանջ է: Արտաքին, օտար ուժերը կարող են, նայած պայմաններին, օգտակար կամ վնասակար լինել մեր ազգ. քաղաքականության համար: Վերջինս պետք է ուշադիր հետևի նրան և հօգուտ իր ուղղել ջանա այն:

Վճռական նշանակություն ունի, մեր դատի համար, վերջապես, նաև մեր ու մեր հարևանների փոխհարաբերության կարգավորումը: